

明代傳記叢刊・綜錄類⑤⑤
周駿富輯

弇州山人續稿碑傳(三)

(明)王世貞撰

明文書局印行

wt 78/12

弁州山人續稿卷之九十一

吳郡王世貞元美著

文部

墓誌銘

耆德拙齋詹翁墓誌銘

詹翁之爲侍御君父也而賢其卒也益加耆之七年矣卒又可十年而塋塋而以侍御余君之狀來請誌銘某不佞辱侍御君之知於少日其敢以不文辭按狀翁諱文禧字得慶別號拙齋詹之先南陽凡三徙而爲遂安之古明人父曰廷振母余有丈夫子四翁

其叔也方翁之有室則已相率而備志養於二尊人
會其父沒哀毀踰當自伯氏之強力起家而翁得寬
其身扶侍尋亦沒仲氏孱不能支翁始自勵持門戶
屹屹有能聲出則里中人相日曰夫已氏者而非可
以伸狎也會家當析箸翁第取其畝瘠者而以害因
時故居積亦稍稍裕嘗客游錢唐夢母汪謂曰兒歸
矣兒歸矣寤而驚馳六百里抵家則母已前三日逝
度翁所夢夕也號頓幾絕久之始一進饘粥益三載
一日矣翁之起雖儉勤積第尚義好施乃天性其產
不能中下而跡其所施恒屢什之歲旱饑里有饒粟

而閉糶者翁傾廩以食饑人不足則出藏器服以貴
直質閉糶者粟而以賤直粟糴者已餽工多爲桔槔
穿塹以引水其下田與人偕濟歲大疫屍枕相望公
行視戚執調棺殮而他窶殍則躬先僮幹收而瘞之
其舍東山嶺斬絕翁父所置梁通道者也久且圯翁
爲復之亭其上舍北去王村七里徑二道廢於漲翁
爲鑿山架石以便涉者自翁之子理成進士至御史
益得饒於力然益好行其德不衰所爲怨者毋論睚
眦而上皆忘之所爲德卽一飯不忘也翁旣念倍父
母諸兄弟獨仲在得卮酒未嘗不共之相與慰勞怡

怡然至一及父兄艱苦事輒涕泫淫下不止也始翁
祭諸子皆任家顧獨御史君內文任經術俾受春秋
於進士語溪徐楚舉鄉薦一試於春官不第歸翁曰
豈其有所不足耶俾質之錢塘江圻故世世受春
秋學者也讀其義而歎曰行矣吾所有毋出此者矣
御史君果遂第御史且滿當封翁而以星變中譴罷
不及封有司賢翁而以例給冠帶翁爲一襲而笥之
曰吾故禍寬博且輕也自是足跡絕城府強之賓飲
亦不再赴翁之卒以隆慶戊辰四月十六日其生則
弘治壬子十月初二日也娶鮑孺人少於翁二歲而

先十歲卒有婦行語見趙太史誌中子六長珙次理
郎御史君次玲次玠次瑄俱鮑出次璋側室汪出孫
男十八澄淵泮涵涼沐淑洛潯澗汶澄津涉漸瀾澎
俱太學生泮王府奉祀淵邑諸生孫女四適諸生
余穆俞應宜廬汝沛陸宮魯孫七可賢可尚可道可
貴餘幼塋地在里中茅平廟坂寔啟鮑孺人之兆而
合焉銘曰

天道無親常與善人是耶而胡以斬一命之榮於厥
身非耶而胡以壽考今終而繩繩其子孫夫取福不
欲盡而爲德不少衰其所不欲盡者乃其所以遺者

耶其澤流於詹而魄止於斯耶噫

俞仲蔚先生墓誌銘

上峰之東踞臭水陽者爲俞仲蔚先生墓而先生之
葬也距其捐館舍二月餘矣廬以內無停哭也應以
外無停泣也邑內外無停歎息也既大歸視其祔有
疑溫者蓋送客皆雪涕云而先生之友按察使顧君
謂不佞章志最習先生宜爲狀子最知先生宜志而
銘其窆封之石不佞唯唯顧君之狀畧曰先生諱允
文仲蔚其字先世崑山人屢業儒而其父評事公某
始顯重由進士連任大郡司理以清幹聞入佐散署

邑不得志病卒公是時甫十三也而哀瘠踰禮又能上奉祖母黃與母陸養莊事兄某而撫弟某咸得其志時人以是稱之先生雖從師受經生業顧好爲古文辭多讀六季以前書至十五而爲馬鞍山賦授別山事靡挂漏而辭雅馴絕不作時人語其名固籍籍矣又二載補郡諸生是時邑之耆俊若張納言袁吳貢士中黃咸推先生爲忘年友而歸太僕有光行稍近名能經術先生以古文辭與之角頗目爲甲乙社云然先生用調古試輒少利而又中更二太夫人變仕念益衰臧遂移書學使者胡植請以諸生老田

里固留之不得也先生家世寡薄又性嗜書不別治
生日以產費其配梁至泔泔統而助之猶不給也先
生獨夷然問曰不能已食乎則姑二食乃至不二食
乎則又姑一食得麥飯少藜藿羹佐之若梁肉矣先
生益刻精於學所造五言古進薄建安退亦不失陶
謝而其於歌行絕句俱宏麗有景龍開元風騷賦誄
頌宛然昭明所造次晚節不盡爾也少工臨池久而
益擅之其小隸駸駸歐柳而上登吳興堂行筆出入
褚河南稍縱之則米襄陽八分自謂得西嶽碑體以
方韓蔡莒如矣先生白哲美風神秀眉目臚頰飄飄

時時稱病病多頭風暑月恒御毳衾稍及冬加以貂
冒客至隱几而對之焚香啜茗竟日談笑無凡語所
酢應赤札頃刻數函無凡筆客去亦無所報謂其最
後執益高名益重稱神交者徧天下諸以文請者不
虛月以詩請者不虛日以草隸請者不虛刻往往得
意去而里中子狎習先生者謂先生虛和寡他嗜顧
嗜尚不食酒頗耐食其間於島渚間淘一拳石市其
果袖而薦之亦輒獲數行以相矜重而是時諸行部
使者若吾故人徐君中行首造盧定交於是郡守王
君道行中丞張君佳胤繼之而學使者吳君遵與中

丞君遂旌其廬曰高士曰真逸御史邵君王君俱稱
詔賚束帛醪米邵君移書欲得先生文以爲式而先
生意澹如也楚王以志楚聘守李君以志吳聘余雁
踵州接而皆力辭之獨參政王君叔果以三具水利
造質爲成一編書而已崑今之賢者曰王侯用章與
今程侯達右文而高先生行每過輒談咲移刻然欲
伺先生色以間不得也程侯歎曰古所謂徵君真先
生其人哉以故先生沒爲禮祭復贈之至議舉而祀
於學宮先生生以正德壬申六月十七日卒以萬曆
己卯八月初四日配邵梁孺人太學生某女子一伯

安以瞽廢然有志行娶周氏女四婿爲邑諸生朱懋
敬徐世承顧紹臯懋敬早卒孫一尚幼孫女一許字
王宣鼎所著集若干卷藏於家王子乃言曰始予與
左司馬汪伯玉遇燕中伯玉驟謂曰疇爲布衣冠哉
而余未有應也伯玉撫然有間曰是在仲蔚矣謂名
傳也者非傳名者也嗟乎士苟束髮不能通一執而
剽其似以糊口於四方固毋論已卽其著者採楓翰
搃藻麗下上今古而割策自樹然得毋道大人乎哉
當士之始爲業也實者九之名者一之及其就也而
僊矣名者九之實者一之夫以仲蔚之空室蓬戶褐

衣蔬食不厭以托於著述也夫豈爲刺促以希一旦
名名就而實不衰志行不少削乃真仲蔚哉夫步得
不布衣冠也子與之與仲蔚通也以不佞乃其相善
殆甚矣仲蔚於今詩不甚推于鱗而其於古也行不
滿郭有道者不滿懷素識者疑之雖然是不爲倣儔
吊詭者哉故宜銘銘曰

塋而卜得繇吉日趣之責是爲翳豹文明以止於嚴
其文死而逸民者耶玄晏靖節其人者耶

趙履士東衢墓誌銘

有趙仁甫者以鄉進士司嘉善訓其所爲詩曰楚遊

稿余讀而異之已而知其爲吳明卿所舉士也夫明卿以一公車業識仁甫乃能併其詩得之然是時仁甫業弱冠耳將無亦能以詩報明卿乎哉不然何其似明卿之甚也仁甫既應御史聘司蜀試得賢豪士如明卿且偕計吏赴南宮試至維揚而其父慶士君死矣一日杖而衰墨其容謁請余曰惟是不腆先君之狀爲嚴給事從簡草敢徵吾師明卿之惠以所不朽於志者銘余故舍明卿而又嘗異仁甫詩能無許按狀慶士君諱卿字國賢其先爲宋秦悼王廷美悼王之叔子曰穎川安簡王德業大傳而爲昌國公俊

邇狄難自安丘徙閭之候官遂爲候官人有二子曰
彥忠彥裕皆歷官通顯其後仕宦與宋相終始至明
而有官合浦今者傳子纓以逮君君既不仕故人人
稱趙處士亦或曰趙王孫君生而母吳見背父纓博
學長者然頗不能問家而君少則膺治生任奔走什
一養父及繼母陳以故不遑儒而其自喜任俠不寢
然諾又善謀策爲人策事輒中十不失一諸夫人行
皆心折之矣當其養父母母調聲色柔而薦之而其馭
家衆以嚴肅辨昧爽起盥櫛履行村肆間差次勤惰
毋敢飭情報者君所蒞卽米鹽瑣細靡不得任以故